

Glasanje putem mobilnog tima - MOBILNI TIMOVI:

Član 3.14. Izbornog Zakona BiH.

Centralna izborna komisija BiH donosi propise kojima utvrđuje način i postupak izrade izvoda iz Centralnog biračkog spiska za birače koji su:

- a) vezani za svoje domove zbog starosti, bolesti ili invaliditeta i
- b) zatvorenici ili su vezani za ustanove, a imaju pravo da glasaju.

Članovi 19. i 20. Pravilnika o upotrebi i izradi izvoda iz CBS-a,

(2) Izborne komisije objavljuju na pogodan način (internet-stranica, oglasna ploča općine/grada ... i dr.) i dostavljaju planove iz stava (1) ovog člana Centralnoj izbornoj komisiji BiH najkasnije 125 dana prije dana održavanja izbora. Ukoliko Centralna izborna komisija BiH ustanovi da planovima iz stava (1) ovog člana nije utvrđen primjeren način obavještanja javnosti i raseljenih lica, naložit će izbornoj komisiji preduzimanje dodatnih mjera i aktivnosti.

Član 19.

(Izvod iz konačnog Centralnog biračkog spiska za birače koji su vezani za svoje domove zbog starosti, bolesti ili invaliditeta – član 3.14 stav (1) tačka a) Izbornog zakona BiH)

(1) Izvodi iz konačnog Centralnog biračkog spiska za birače koji su vezani za svoje domove zbog starosti, bolesti ili invaliditeta sačinjavaju se na osnovu podataka nadležnog organa zaduženog za socijalno staranje i drugih organa koji imaju podatke o ovim licima, te izražene volje ovih birača da na dan izbora glasaju u svojim domovima, što se utvrđuje pisanom izjavom svakog birača i pratećom medicinskom dokumentacijom o bolesti ili invaliditetu birača kao uslovu za njegovo kućno liječenje.

(2) Dokumentacija iz stava (1) ovog člana sastavni je dio izvještaja koji nadležna izborna komisija dostavlja Centralnoj izbornoj komisiji BiH kao obrazloženje o potrebi glasanja birača s invaliditetom putem mobilnog tima.

(3) Izborna komisija će najkasnije u roku od 40 dana prije dana održavanja izbora pisanim putem zahtijevati od nadležnih organa podatke o svim licima koja su zbog starosti, bolesti ili invalidnosti vezana za svoje domove, a nadležni organ će podatke po zahtjevu izborne komisije dostaviti u roku od 7 dana od dana prijema zahtjeva, radi evidentiranja birača koji su zbog starosti, bolesti ili invalidnosti vezani za svoje domove.

(4) Na osnovu podataka iz stava (2) ovog člana, izborna komisija će, u saradnji s centrom za birački spisak, sačiniti plan obilaska birača iz stava (1) radi prijedloga upisa istih u izvod iz Centralnog biračkog spiska za glasanje putem mobilnog tima.

(5) Izborna komisija će, nakon provedenog postupka iz stava (4) ovog člana, sačiniti spisak birača koji su vezani za svoje domove zbog starosti, bolesti ili invaliditeta i isti će dostaviti Centralnoj izbornoj komisiji BiH u odgovarajućem elektronskom obliku, kao i kopiju dokumentacije iz stava (1) ovog člana, 20 dana prije dana održavanja izbora, radi izrade izvoda iz konačnog Centralnog biračkog spiska. Nakon razmatranja dokumentacije iz stava (1) ovog člana pravilnika, Centralna izborna komisija BiH će utvrditi i sačiniti izvod iz konačnog Centralnog biračkog spiska za ovu kategoriju birača. Izvod iz konačnog Centralnog biračkog spiska Centralna izborna komisija BiH dostavlja nadležnoj izbornoj komisiji u roku od 10 dana, a najkasnije pet dana prije dana održavanja izbora.

(6) Izborna komisija će na osnovu dobijenog izvoda iz konačnog Centralnog biračkog spiska iz stava (5) ovog člana u koloni „potpis“, u izvodu u kojem je birač upisan za redovno glasanje, pored imena birača unijeti oznaku MOBILNI TIM.

Član 20.

(Izvod iz konačnog Centralnog biračkog spiska za birače koji su zatvorenici ili su vezani za ustanove, a imaju pravo glasati – član 3.14 stav (1) tačka b) Izbornog zakona BiH)

(1) Izvod iz konačnog Centralnog biračkog spiska za lica koja su zatvorenici ili su vezana za ustanove (kazneno-popravni domovi, pritvorske jedinice, gerijatrijske, distrofičarske ili druge zdravstvene ustanove) i imaju pravo glasati sačinjava se na osnovu podataka dobijenih od ustanova u kojima su ova lica smještena.

9

(1) Izvodi iz Centralnog biračkog spiska utvrđeni u članu 14. stavu (3) ovog pravilnika sadrže sljedeće podatke:

- a) prezime i ime i ime jednog roditelja birača,
- b) datum rođenja,

10

(2) Izborna komisija će najkasnije u roku od 40 dana prije dana održavanja izbora, za lica iz stava (1) ovog člana, pisanim putem zahtijevati od nadležnog organa podatke o svim licima koja su vezana za ustanove na području njihove općine, odnosno osnovne izborne jedinice.

(3) Organ iz stava (2) ovog člana će najkasnije u roku od 7 dana od dana prijema zahtjeva izbornoj komisiji dostaviti podatke o osobama iz stava (1) ovog člana, koji uključuju: ime, prezime, datum rođenja, JMB, punu adresu prebivališta, odnosno boravišta za raseljena lica, kao i podatak da li će se ta lica nalaziti u ustanovi na dan održavanja izbora.

(4) Na osnovu podataka iz stava (3) ovog člana izborna komisija će, putem centra za birački spisak, sačiniti plan obilaska ustanova radi upisa birača u izvod iz Centralnog biračkog spiska za glasanje putem mobilnog tima.

(5) Centralna izborna komisija BiH će na osnovu podataka iz stava (3) ovog člana sačiniti izvod iz konačnog Centralnog biračkog spiska za birače iz stava (1) ovog člana i isti dostaviti nadležnoj izbornoj komisiji u roku od 10 dana, a najkasnije pet dana prije dana održavanja izbora. Nadležna komisija će, u izvodu za redovno glasanje, pored imena birača upisati MOBILNI TIM-USTANOVA.

(6) Za lica koja nemaju prebivalište u osnovnoj izbornoj jedinici u kojoj se nalazi ustanova iz stava (1) ovog člana, a na dan održavanja izbora će se nalaziti u ustanovi, izborna komisija će odmah, a najkasnije u roku od dva dana, po dobijanju izvoda iz konačnog Centralnog biračkog spiska iz stava (5) ovog člana, nadležnoj izbornoj komisiji, po mjestu prebivališta lica smještenog u ustanovu, dostaviti podatak o tome kako bi ista u rubrici potpis za navedenog birača upisala MOBILNI TIM-USTANOVA.

Član 21.

(Izvodi iz Centralnog biračkog spiska za političke subjekte – član 3.1 stav (4) Izbornog zakona BiH)

(1) Ovlašteni predstavnik političkog subjekta koji ima ovjerenu kandidatsku listu za nivo vlasti, odnosno, izbornu jedinicu, može 45 dana prije dana održavanja izbora podnijeti pisani zahtjev za dostavu izvoda iz Centralnog biračkog spiska.

(2) Izvodi iz stava (1) ovog člana izrađuju se prema osnovnoj izbornoj jedinici u kojoj se glasa i sadrže sljedeće podatke:

- a) šifru i naziv osnovne izborne jedinice,
- b) prezime i ime i ime jednog roditelja birača,
- c) datum rođenja,
- d) spol, i
- e) šifru biračkog mjesta.

(3) Izvode iz ovog člana Centralna izborna komisija BiH dostavlja u elektronskom obliku.

Član 22.

(Izvodi iz Centralnog biračkog spiska za provođenje opoziva zvaničnika i izbore organa lokalne samouprave – član 3.1 stav (1) Izbornog zakona BiH)

(1) Izvodi iz Centralnog biračkog spiska utvrđeni u članu 14. stavu (3) ovog pravilnika sadrže sljedeće podatke:

- a) prezime i ime i ime jednog roditelja birača,
- b) datum rođenja,

OIK Sanski Most obavještava građane da osobe koje su nepokretne, nalaze se u staračkim domovima, bolnici, evidentirani su u Centru za socijalni rad i sl., odnosno koji imaju pravo glasa na predstojećim Lokalnim izborima 2020. godine, a nije im ukinuta poslovna sposobnost, da ukoliko žele da glasaju putem mobilnog tima, da ih mogu prijaviti najbliži srodnici odnosno ustanove u kojoj su smješteni - prijaviti u Centar za birački spisak (CBS) općine Sanski Most ili OIK-u Sanski Most, dok će provjere obavljati CBS i Komisija. Neophodno je dostavljanje generalija za te osobe (Popunjena Izjava i medicinska dokument.) ili spiskove tih osoba sa neophodnim podacima ukoliko se radi o određenim medicinskim ustanovama, domovima i sl., s tim da će ovim ustanovama OIK poslati službenu obavijest da evidentiraju takve osobe i dostave nazad komisiji na obradu. Navedene ustanove su dužne pitati svakog pacijenta ili korisnika, da li želi glasati putem mobilnog tima - ukoliko pacijent ima poslovnu sposobnost, dok pacijenti ili korisnici koji imaju prebivalište u drugim Općinama/Gradovima imaju pravo da glasaju putem Mobilnog tima za Općinu/Grad gdje imaju prebivalište, te se tako obavještava GIK/OIK ili izborna jedinica u kojoj glasač ima prebivalište – da će glasati putem Mobilnog tima u mjestu gdje se trenutno nalazi.

Obavezno je dostavljanje određene medicinske dokumentacije na uvid, koju će radnik CBS-a kopirati i priložiti uz dokumentaciju, a kojom se dokazuje da ta ili te osobe nisu u stanju izaći na biračko mjesto i na istom glasati, odnosno isti trebaju potpisati Izjavu za glasanje putem mobilnog tima, koja će biti obezbijedena svima koji se prijave za ovaj način glasanja. Osobe koje su smještene u medicinskim ustanovama, domovima i sl. nisu u obavezi dostavljati medicinsku dokumentaciju jer će to odraditi nadležna ustanova u kojoj su isti smješteni. Takođe je moguće izvršiti prijavu i kod nadležnih Sekretara MZ, koji poznaju ljude i stanje na terenu, koji će popunjene Izjave i prijave dostavljati u CBS na dalju obradu a isti će priložiti medicinsku dokumentaciju koja je zaprimljena i dostaviti u CBS.

Napomena: Osobe koje budu prijavljene za glasanje putem Mobilnog tima neće moći glasati na redovnom biračkom mjestu, pa shodno tome treba voditi računa da to budu baš nepokretne ili bolesne osobe – koje su razumne i nije im ukinuta poslovna sposobnost, odnosno osobe koje se nalaze u udaljenim naseljenim mjestima i nisu u mogućnosti doći na svoje biračko mjesto zbog stanja u kojem se nalaze – mogu ih prijaviti najbliži srodnici u CBS/OIK.

Shodno novim Pravilima CIK-a vezano za Covid -19, biće objavljen način i postupci glasanja i za te pacijente/oboljele odnosno sve što se tiče glasanja putem Mobilnog tima, a Covid pacijenti mogu prijave dostaviti na primjeren način odnosno način definiran pozitivnim propisima CIK-a, ili skeniranu prijavu u elektr.verziji na e-mail: mbehremovic@sanskimost.gov.ba, kako bi radnik CBS mogao odmah izvršiti provjeru.

"Centralna izborna komisija Bosne i Hercegovine je na 57. (hitnoj) sjednici održanoj 24.09.2020. godine usvojila Pravilnik o dopunama i izmjeni Pravilnika o provođenju izbora u Bosni i Hercegovini kojim je pored ostalog propisana procedura ostvarivanja prava na glasanje birača koji su pozitivni na COVID-19 i/ili birača kojima je određena izolacija ili su hospitalizirani.

Navedenoj kategoriji birača na njihov zahtjev biće omogućeno da glasaju putem posebno formiranog mobilnog tima.

Da bi ostvario biračko pravo, birač pozitivan na COVID-19 i/ili birač kojem je određena izolacija ili je hospitaliziran dužan je najkasnije u roku od 72 sata prije dana izbora lično (putem e-maila, faksom ili telefonskih aplikacija osposobljenih za prijem dokumenata, odnosno fotografija dokumenata) ili putem drugog lica, dostaviti izbornoj komisiji zahtjev za glasanje putem kovertiranog glasačkog listića, odnosno medicinski nalaz koji potvrđuje da je pozitivan na COVID-19 i/ili akt nadležnog organa kojim mu je određena izolacija ili hospitalizacija.

Birač kojem je dijagnosticirano oboljenje COVID-19 nakon isteka roka od 72 sata prije dana izbora, ili na sam dan izbora, zahtjev za glasanje je dužan dostaviti najkasnije na dan izbora.

Pravilnikom je predviđeno da u sastavu posebnih mobilnih timova po mogućnosti bude najmanje jedan zdravstveni radnik. Predsjednik ili najmanje jedan član ovog posebnog mobilnog tima mora biti opremljen specijalnom zaštitnom opremom.

Pravilnik o dopunama i izmjeni Pravilnika o provođenju izbora u Bosni i Hercegovini će javnosti biti dostupan na web stranici CIK BiH i biće objavljen u službenim glasilima."

Obavijest: Posmatrači

OIK Sanski Most obavještava ovjerene političke subjekte, koalicije, i nezavisne kandidate da traje postupak podnošenje zahtjeva za akreditiranje izbornih posmatrača u skladu sa Izbornim zakonom BiH i podzakonskim aktima, koji se mogu pronaći na stranici CIK-a, kao i na web stranici općine Sanski Most (izborna komisija), a za što su neophodni određeni obrasci. Krajnji rok za podnošenje zahtjeva za izdavanje akreditacija političkim subjektima i udruženjima je 15. dana prije dana održavanja izbora. Posebna napomena se odnosi svim političkim subjektima, koalicijama i nezavisnim kandidatima da ne čekaju zadnji rok za akreditiranje posmatrača nego da podnose svoje prijedloge ranije.